

## Fögl d'infurmaziun per possessuras e possessuors da chauns – Vschinauncha da Zuoz

Basa: Ledscha da polizia da la vschinauncha da Zuoz

### Stimedas possessuras e stimos possessuors da chauns

Ün chaun es ün cumpagn prezius e fidel illa vita da minchadi. In quist sen Als giavüschains nus uras aventuras ed agreablas cun Lur quadrupe. Cun quist fögl d'infurmaziun ans permettains nus d'Als render attent a Lur respunsabiled scu possessura u possessur d'ün chaun. Que es üna respunsabiled ch'Els accumpleschan invers la bes-cha ed eir invers la populaziun. Perque Als ingrazchains nus cordielmaing.

La convivenza d'umauns e bes-chas in nossa vschinauncha funcziunescha per regla fich bain. Per cha que resta eir in avegnir uschè, rendains nus attent a differentas disposiziuns.

### Tgnair vi da la tschinta

Sül territori abito\* da Zuoz, (inclusivmaing sün las vias e sendas) scu eir in tuot ils asils da sulvaschina ed in zonas da pos per la sulvaschina sun ils chauns da tgnair permanentamaing vi da la tschinta.

In localiteds d'ustaria es il chaun da tgnair vi da la tschinta. Ad es be permiss da pavler il chaun our dadour la localited d'ustaria.

Ad es scumando da piglier cun se chauns in localiteds publicas (scoulas/baselgias/sunteris/rapreschantaziuns da teater e da concert). Ün'excepziun vela per chauns da guida per orvs e per chauns da terapia.

Ad es scumando da piglier cun se chauns in locals da butia cun mangiativas.

Chauns ieus a perder sun d'annunzcher a l'administraziun cumünela infra 24 uras.

### Excremains da chauns

La possessura u il possessur dal chaun u la persuna affideda cun la survagliaunza dal chaun haun da survagliar ils chauns da maniera cha quels nu daun in ögl in möd negativ e nu disturban.

L'inascrimaint sün implaunts publics, vias publicas, marchapeis, sendas, plazzas da giuver per iffaunts, pistas, loipas da passlung, terrain agricul (urs da pros e da pasculs) es d'eviter. Per quist scopo ho la vschinauncha installo systems d'allontanamaint Robidog. Cur cha's vo a spass cul chaun es adüna da piglier cun se ün sachin da plastic per piglier sü ils excremains dal chaun e'ls depositer illa chascha per ramasser ils excremains.

Erva inascrida cun excremains da chauns promouva la derasaziun da parasits, que chi po chaschuner dans considerabels illas gestiuns agriculas (p. ex. naschentschas premadüras).

In cas d'inobservanza stuvains nus displaschavelmaing agir tenor las prescripziuns e fer pajer multas.

Nus Als ingrazchains ch'Ellas/Els piglian sül seri Lur incumbenza plain respunsabiled.

\*Il territori abito da la vschinauncha da Zuoz glivra 50 m zieva l'ultim edifizii a l'ur da la vschinauncha.